

黃佛頤纂

廣州城坊志

卷一

圖書在版編目(CIP)數據

廣州城坊志.下/黃佛頤撰.一影印本.一揚州:廣陵書社,2003.4

(風土志叢刊;55/張智主編)

ISBN 7-80694-007-3

I.廣… II.黃… III.廣州市-地方志 IV.K296.51

中國版本圖書館 CIP 數據核字(2003)第 033828 號





南濠街

果橋在府城內，一名拱橋，下舊通舟。洪武中，都指揮許良設鐵石閘，始不通舟。大明一統志

壽安院在舊威遠門外，宋寶祐間，提舉劉震孫建解庫于南濠街，收其息以贍貧病者。李昂英記。元李燾阮通志引黃志

李氏，宋秘書郎何世忠妻，居會城南濠，子姓遷羊額村。順志

西澳一名南濠，在南海縣城內。宋景德中，經畧使高紳所開，城中舊有六脈渠，皆滙流於此。嘉定三年，陳覲又於東西雁翅城濠口築兩閘以防溢涸。紹定中，方大琮甃為重閘，以通舟楫。明初展築城垣於濠南，改甃水閘，廣僅六尺。

許皆用鐵石為柱以阻內外不復通舟

大清一統志

果橋在內城南濠街城垣下為大古渠出水之總口俗呼大水關石欄月洞雄麗廣潤為三城旱橋之冠上跨城樓即宋代之共樂樓也通志以此橋為歸德門之迎恩橋而以城之麗譙當共樂樓誤矣康熙庚申平王藩下都統王國棟等嘗修復之今橋有碑載讀其文乃知國初尚通舟楫歌航酒舫盛夫春秋碧海揚塵曷勝浩歎

南海百詠續編

越樓在關關中輪因為一郡壯觀昔名共樂樓元大德六年羅壁撤而新之改扁遠華樓

南海縣志

遠華樓在大市關關中高五丈餘下瞰南濠為南州冠冕

元季燬

乾隆廣州府志

遠華樓舊名粵樓在大市關關中，高五丈餘，背倚諸峯，而臨鉅海，氣象雄偉，為南州冠。宋紹興中，漕使王口言重建，改匾曰共樂。元大德中，元帥羅璧撤而新之，易曰遠華。復燬，惟存花橋。成化三年，巡撫韓雍重疏淤塞，樓不復建。

古鈔

兄弟進士坊在南濠街，為熊孟芳、熊季芳立。

乾隆廣州府志

水關明洪武時展築城池，改筑濠南舊水關，廣僅六尺，下鐵柱兩重，以嚴防禦。原按舊通志云：水關宋嘉定間陳岷所築，在東西雁翅城濠口。紹定間，方大琮增築之，兩岸石甃長二十餘丈，中為重關，濠文餘以通舟楫。國朝康熙二十二年，布政使郎廷樞疏濬啟關，復通舟楫。

阮通志

水師旗營滿洲協領署在歸德門內大水關。乾隆十一年

改

阮通志

果橋在南濠街宋景德間經略使高紳建一名拱橋阮通志

按士中南海續志載康熙庚申劉興邦等重修果橋碑

按南海縣志云阮通志因舊志果橋在南濠街遂謂即今南門橋而於迎恩橋則謂在南門外是南門有二橋矣蓋誤以南濠街即南門外城濠其實南濠街在城內歸德門西非外城南濠也阮通志又云洪武初設鐵石閘始不通舟楫尤誤

上古里（尚果里）

上古橋在內城西濠街上古里為六脈渠出水之一口橋

已無存故址近古仁王寺有龍王廟鎮之明譚清海六渠
議論正西門一脈云由光孝街至詩書街繞古仁王寺出
西濠以入於海所謂仁王寺者即今滿洲八旗前鋒營箭
道其前則上古里下有水關以通西濠俗名小水關是也
而海百
餘續編

上古橋在南濠街城邊邑人龐景忠馮廷衡重修

南海志

夢覺菴在西城上古里唐之仁王寺故址順治十五年靖
藩下總兵徐成功建初成功之弟成名夢見三僧來偕宿
次日有人以銅佛三尊求售其慈範宛如夢中人大異之
就營地築斯庵而供奉三佛藩使莊有筠為文述其因緣
今勒石廊東寺基頗廣且多古跡廢礎遺碑尚是唐時雕

鑒
詠
海
百
續
編

大利巷

左翼清書總官學原設白廩巷成豐九年遷往大利巷
八旗志

按八旗志云乾隆三十七年總督署將軍李侍堯奏
 准設立滿漢八旗左右翼清書總官學於前鋒領催
 內挑選能清熟者分撥學習

正藍旗滿洲馬園在大利巷
同上

紙行街

水師旗營箭道在紙行街南

駐粵八旗志

二部參卿坊在紙行街為侍郎黃衷立

乾隆廣州府志

參卿坊在西門紙行街明南京戶部兵部侍郎黃衷題名坊也摧殘殆盡僅餘兩柱道光初里人稍葺之仍其舊榜曰貳部參卿坊下即衷故宅衷字子和南海人歷仕有聲嘗卜宅紙行街頗饒隱趣有諱天館綠蔭坪諸構著述甚多今惟海語行世因廢後宅為佐領公署乾隆初裁汰斯秩署遂廢予家世居之屋背老榕廣蔭一畝數百年植也春時萌葉三城即凍解歷試弗爽南海百詠編貞節坊在紙行街為李宗妻蕭氏立乾隆南海縣志

安義街

(安義巷)

(儀門街)

(燒鵝街)

銀白正藍旗滿洲協領署在安義街

駐粵八旗志

按乾隆廣州府志云銀白旗協領署在燒鵝街阮通

志在儀門街即此

詩書街

看竹亭在詩書街明左通政參議張誦所居

阮通志引黃志

西門內詩書街因誦得名誦南海人號東所嘗送白沙遊故宅改為滿洲錄白正藍旗協領公署所居之別業即唐代仁王寺故址仁王寺為嶺表上刹魏校毀之改建紫陽書院所餘西園誦買為竹隲築亭居之久圯惟誦之詠竹詩碑尚存武帝祠前字跡依稀可捫也

南海百詠續編

四井唐書地理志南海縣山峻水深民不井汲都督劉巨麟始鑿井四縣志今城內有日井月井星井乾明井疑即

其故址也

大清一統志

日泉井在內城詩書街龍王廟神座下省志誤謂在西關青紫坊近時居民遂於路側浚一新井以當之其實非也案唐地理記曰南海縣城山峻水深民不井汲都督劉巨麟始鑿四井以便民今城內之日泉井月泉井流水井乾明井即唐時四井也魏通志謂乾明井在光孝寺流水井在觀蓮街月泉井在早寧坊日泉井在仁王寺前又與地記云日泉去月泉不下半里每晨日出井中輒有一日影與月泉遙相輝映今已就湮矣考仁王寺唐時稱為日泉寺實因泉得名明時燬於魏校今其故址尚在旗境為滿洲前鋒營箭道其旁有觀音堂尚是仁王寺東院去早寧坊真不半里可相輝映若青紫坊遠在縣城外去月泉約

四五里萬不能輝映也。且地記明云四井皆在城。日泉何由得在郊。大抵省縣志皆沿廣東新語之誤。蓋明季江水漲發省垣被浸。居民聞日泉沸聲。羣相震恐。以巨石覆之。鎮以龍神。遂使日泉湮沒。後人求之不得。遂指青紫坊以當之耳。今詩書街之龍王廟固在也。南海百詠續編

鑲黃旂參領署在詩書街

乾隆廣州府志

水師旗營漢軍左翼佐領署在歸德門詩書街

乾隆通志

鑲黃旗滿洲馬圈在詩書街

乾隆廣州府志

九牧書香坊在詩書街為林誠通立

乾隆廣州府志

貞節坊在詩書街為馮文俊妻陳氏立

同上

內城旗境鐵局有二處一在詩書街一在吊碑井皆雨藩

鑄兵局也開東冶匠龐東權者世調鼓鑄舊在定南王軍
前鑄造紅衣大礮榮恩肇錫武定大將軍礮名號者也後
從征廣東與副將栗養志在九龍坑鑄造有功加都司銜
康熙五年在廣州啟局煉造兵仗精利絕倫刀室鞘柄皆
作漆銀圓鵝紋今旗庫尚有存焉

南海百
錄續編

百歲承恩祠在城詩書街巡撫

原缺三字

為歲貢封知府張繼

先題

乾隆南海縣志

張中憲祠在城詩書街憲使羅之鼎為憲副張守讓題

乾隆

南海縣志

蓮花巷

鑲紅鑲藍旗滿洲甯道在蓮花巷

駐粵八旗志

白沙巷

鑲藍旗滿洲馬園在白沙巷

駐粵八旗志

官祿巷（關路巷）（官路巷）

賜書樓在官祿巷，六學士方獻夫建

乾隆廣州府志

案同治南海續志云：獻夫府在西城，有賜書樓藏明倫大典處也。樓燬于火，府今亦荒廢，有人得其遺碑。

篆書閣老府報富壽萬年八字，見恭巖札記。

賜書樓在西城官祿巷，燬于亂兵，撤藩後歸入旗境，今為滿洲正紅旗官馬園。堂坪柱礎尚多舊物，巷後即閣老府門堂，未改。石坊仍存，亦為正黃正紅旗協領署矣。

正紅旗滿洲馬園在關路巷

駐粵八旗志南海縣志

天濠街 (添濠街) (天豪街)

庚寅冬廣州城拔天濠街有婦襁負嬰兒以長繩繫腰接於樹赴池而死事定引繩出之色如生予為之歌曰妾身不隨波豈必長繩繫所慮黃口兒一去無報蒂

廣采新語
按者焉志

此載
此事

廣州城北天濠街漢軍錄紅鑲藍旗協領署內有紅蓮塘方二畝澄泓不竭朱荷萬柄不植自生相傳順治庚寅之役有貞婦襁負孩兒殉烈此塘其後遂生異蓮深紅綠萼與他芙蕖異亦靈蹟也乾隆間協領宋起鳳館篆日欲窮其跡庠水至底其下絕無藕根潭中露銅佛首其大不知凡幾有紫氣從佛口出宋驚而止未幾卒後遂相戒無敢

犯者

壬申南海續志
引恭叢札記

鑲藍旗協領署在漆濠街

乾隆廣州府志

按阮通志云鑲紅鑲藍旗漢軍協領在天臺街即此

西華一巷 二巷

鑲紅鑲藍旗漢軍箭道在西華二巷

駐粵八旗志

鑲紅旗漢軍馬圈在西華二巷

駐粵八旗志

鑲藍旗漢軍馬圈在西華二巷

同上

回子營（鬼子營）（桂子營）

回兵竹筒營在大北門水關橋前其地俗稱回子營或作鬼子營鬼回一聲之轉耳有最勝總勝兩尼巷亦當日回

目公所

南海百錄續編